



Broj predmeta: 10-2062/24
Broj akta: 10-3119-1/24
Brčko, 16.12.2024. godine

Na osnovu člana 64. člana 65. i člana 70. Zakona o javnim nabavkama BiH („Službeni glasnik BiH“, broj 39/14, 59/22 i 50/24), Zapisnika o pregledu i ocjeni ponuda broj predmeta 10-2062/24 broj akta: 10-3119/24 od 13.12.2024. godine, direktor Zavoda za planiranje, projektovanje i razvoj Brčko distrikta BiH, donosi:

ODLUKU

o izboru najpovoljnijeg ponuđača

Član 1

Prihvata se preporuka Komisije za javne nabavke, koja je sastavni dio Zapisnika o pregledu i ocjeni ponuda broj predmeta 10-2062/24 broj akta: 10-3118/24 od 13.12.2024. godine u postupku javne nabavke da se kao najpovoljnija ponuda za javnu nabavku robe „Kancelarijski i kompjuterski uređaji, oprema i potrepštine osim namještaja i paketa programske podrške-LOT 2- Nabavka kompjuterskih uređaja i opreme“ za potrebe Zavoda za planiranje, projektovanje i razvoj Brčko distrikta BiH prihvati ponuda ponuđača: „IMEL“ d.o.o. Lukavac, Ponuda od 10.12.2024. godine sa ponudenom cijenom od 49.970,00 KM bez obračunatog PDV-a.

Član 2

Nabavka usluga povjeriće se izabranom ponuđaču „IMEL“ d.o.o. Lukavac.

Član 3

Odluka stupa na snagu sa danom donošenja i dostaviće se ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 10-2062/24 broj akta: 10-2062-2/24 od 14.11.2024. godine. Predmet javne nabavke je roba „Kancelarijski i kompjuterski uređaji, oprema i potrepštine osim namještaja i paketa programske podrške- LOT 2- Nabavka kompjuterskih uređaja i opreme za potrebe Zavoda za planiranje, projektovanje i razvoj Brčko distrikta BiH. Javna nabavka je provedena po proceduri otvorenog postupka sa predviđenom e-aukcijom. Procijenjena vrijednost javne nabavke iznosi 50.077,65 KM bez uključenog PDV-a.

Komisija za javne nabavke formirana Odlukom broj predmeta: 10-2062/24 broj akta: 06-3094/24 od 09.12.2024. godine sačinila je Zapisnik o pregledu i ocjeni ponuda broj predmeta 10-2062/24 broj akta: 10-3119/24 od 13.12.2024. godine u kojem je konstatovano da je u predmetnom

postupku javne nabavke zaprimljeno ukupno dvije ponuda koja su blagovremeno dostavljene. Riječ je o ponudi ponuđača "IMEL" d.o.o. Lukavac i ponudi ponuđača „INTER-COM“ d.o.o. Zenica.

Kako se u Zapisniku navodi, Komisija je nakon pregleda i ocjene pristiglih ponuda konstatovala da je ponuda ponuđača „INTER-COM“ d.o.o. Zenica. neprihvatljiva, dok je ponuđač "IMEL" d.o.o. Lukavac ispunio sve kvalifikovane uslove i u datom roku dostavio svu potrebnu dokumentaciju.

Naime, kako se u Zapisniku navodi, članovi Komisije pregledali su dostavljenu tehničku specifikaciju sa dostavljenim katalogima ponuđene opreme te uporedili sa zahtjevanom opremom iz tehničke specifikacije u Tenderskoj dokumentaciji. U skladu sa navedenim, predmetni ponuđač nije ponudio u stavcu broj 1 predmetnog lota komponentu zahtjevanih performansi koje su tražene u tehničkoj specifikaciji iz Tenderske dokumentacije. Ponuđač je ponudio grafičku karticu NVIDIA RTX A2000 12GB GDDR600 a Tenderskom dokumentacijom je traženo NVIDIA GeForce RTX 3060 (ili ekvivalent) 12 GB. Provjerom na zvaničnim dostupnjim web stranicama proizvođača navedenih komponenti ustanovljeno je da ponuđena komponenta (grafička kartica) ima slabije (niže) performanse i karakteristike od traženog u Tenderskoj dokumentaciji. U skladu sa navedenim, Komisija je utvrdila da predmetna ponuda nije prihvatljiva. Takođe, ponuđač „INTER-COM“ d.o.o. Zenica u ponudi nije dostavio originalni ANEKS 3 obrazac za cijenu ponude koji je prilog Tenderskoj dokumentaciji, nego je dostavio prekucan ANEKS 3 obrazac za cijenu ponude pod nazivom Ponuda br. 953-L/24 sa svim zahtjevanim informacijama iz Tenderske dokumentacije, potpisan i ovjeren pečatom.

Komisija je takođe utvrdila da ponuđač "IMEL" d.o.o. Lukavac ispunjava kriterijum najniže cijene i tehnički zadovoljavajuće ponude iz Tenderske dokumentacije broj:10-2062/24 broj akta: 10-3029/24 od dana 19.11.2024. godine, kao i da je dostavio svu potrebnu dokumentaciju, te je dala preporuku ugovornom organu da sa istim zaključi ugovor.

Imajući u vidu preporuku Komisije za javne nabavke, kao i kriterijum za ocjenu ponude iz Zahtjeva za dostavljanje ponuda odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke nezadovoljna stranka ima pravo žalbe Kancelariji za razmatranje žalbi Bosne i Hercegovine a putem ugovornog organa, u roku od 10 dana od dana prijema Odluke.


DIREKTOR
Zlatko Jašarević dipl.oec

Dostavljeno:

1. Internet stranici/Oglasnoj tabli Zavoda za planiranje, projektovanje i razvoj Brčko distrikta BiH;
2. Sektoru za planiranje društveno-ekonomskog razvoja i zajedničke poslove;
3. "IMEL" d.o.o. Lukavac;
4. „INTER-COM“ d.o.o. Zenica;
5. Evidenciji;
6. Arhivi.